



Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

Articul. I. De Univocis, Æquivocis & Analogis.

[urn:nbn:de:hbz:466:1-52248](#)



DISPUTATIO IV. De Ante - Prædicamentis.

INter libros, secundum Diogenis Laërtii computum, centum quadraginta octo, quos Aristoteles in omnem Philosophiae partem conscripsit, ordine primus est liber, qui à græco Κατηγορίω, prædico, *Categoriae*, sive *Prædicamenta* nuncupatur. Divisit hunc librum in partes tres, quarum primam *Protheorias*, i. e. *Principia*, sive *Ante-Prædicamenta*, partem alteram *Prædicamenta*, tertiam denique *Hypotheorias*, sive *Postprædicamenta* appellavit. Divisionem hanc, & ordinem Aristotelis observantes in præsenti disputatione de *Ante-Prædicamentis* agemus. Spectant autem hue potissimum ea, quæ ad meliorem prædicamentorum intelligentiam plurimùm conferunt, ut sunt *Univoca*, *Equivoca*, *Analogia*, *Denominativa*, *Concreta* &c. quæ in sequentibus articulis explicabimus.

ARTICULUS I.

De Univocis, Æquivocis, & Analogis.

§. I.

Quid & quotuplicia sint Univoca, sive Synonima?

353. **D**ico i. *Univoca* dicuntur, quorum nomen commune est, & ratio substantiae nominis accommodata eadem est. Ita Arist. in Categ.

U

*reg. cap. 1. Dicitur 1^{mo} Quorum nomen com-
mune est. i.e. Univoca idem debent habere no-
men, v. g. Petrus & Paulus Univoca sunt, cùm
iis tribuatur idem nomen Homo. Dicitur 2^{do}
Ratio substantiæ nomini accommodata. Per τὸ
Ratio substantiæ intelligitur conceptus rei essen-
tiam exprimens. Per τὸ Nomini accommodata
indicatur, quod ratio substantiæ debeat signi-
ficari per ipsum nomen, quod pluribus com-
mune est. Dicitur 3^{ti} Eadem est; quia ad uni-
voca non sufficit, ut habeant Unitatem nomi-
nis; hoc enim æquivocis quoque convenit:
sed necesse insuper est, ut habeant unitatem
rationis per nomen importatæ. Sic homo &
brutum Univoca sunt, non solum ideo, quod
participent idem nomen v. g. animal, sed quia
eadem insuper ratio per animal importata eis
convenit; si enim quæratur ex te, cur Homo,
cur brutum sit animal? ad utramque quæstio-
nem aptè respondebis: quia est vivens sensitivum.
Adverte hinc, quod unitas & identitas
rationis non alia sit, quam unitas præcisionis,
quæ fit per operationem intellectus, ut in Disp.
2. de univers. in genere dictum est.*

*354. Dico 2. Univoca alia sunt Univocata,
alia univocantia. Univocata sunt ipsæ res simi-
les in ratione per nomen significatæ, v. g. Pe-
trus, Paulus, & reliqua individua per τὸ Homo
significata. Hæc ipsa ex Arist. in præcedente
conclusione definivimus, & explicavimus.
Univocantia sunt ipsa nomina, quæ pluribus in
eadem significatione tribuuntur, v. g. Homo,
Ani-*

Animal respectu suorum significatorum. Porrò alia univoca dicuntur *Participata*, suntque ipsæ rationes participatæ inferioribus, v. g. *ratio hominis* participata à *Joanne*, *Andrea* &c. Alia *Participantia* appellantur, quæ sunt ipsamet inferiora v. g. *Joannes*, *Andreas* &c., *participantia ejusmodi rationes*, v. g. *Hominis*. Denique alia sunt *essentialia*, alia *accidentalia*, prout ratio per nomen importata ve *essentialis* inferioribus est, vel *accidentalis*. Sic *Columba* & *paries* univocè conveniunt in ratione *albi*, sed *accidentaliter*. Econtrà *Homo* & *Equus* conveniunt univocè in ratione *animalis*, sed *essentialiter*.

355. Obj. Univoca debent esse ejusdem substantiæ; sed *Columba* v. g. & *paries* significata per τὸ *album* non sunt ejusdem substantiæ; ergo nec sunt univoca. R. D. maj. Debent esse ejusdem substantiæ, h. e. debent habere identitatem substantiæ *simpliciter*. N. h. e. debent habere identitatem substantiæ *nominis accommodatae*, sive similitudinem & convenientiam in ratione per nomen significatæ. C. Nimirūm ad hoc, ut *Columba* & *paries* sint univoca univocata respectu *albi*, necesse non est, ut *Columba* sit ejusdem omnino substantiæ, cuius est *paries*; sed sufficit, quod in ratione per τὸ *album* significatæ conveniant. Si ait: *Album* est accidens in concreto; sed hoc nequit dici univocè de suis inferioribus, cùm non sit terminus simplex; quandoquidem formam simul significat, & subiectum; ergo.

U 2

R. N.

R. N. min. Ad rationem additam dico; quod ῥὸ album sit voce saltem terminus simplex, quod hic sufficit; vox enim propriè Univoca dicitur, res autem univocata. Si reponas: Ex data definitione univorum sequeretur, quod etiam ῥὸ Petrus sit Univocum; cùm pluribus tribuatur ob eandem rationem, v. g. quia nati sunt in festo S. Petri R. N. sequel. Rationem additam D. tribuitur pluribus ob eandem rationem, quæ per nomen, Petrus, exprimitur. N. quæ se habet merè per accidens. C.

356. *Observa I.* Idem terminus & univocus, & æquivocus esse potest diverso respectu, ut videre est in voce *canis*, quæ, si sumantur secundūm significationem inadæquatam, v. g. *pro animali latribili*, est Univoca respectu hujus & illius canis terrestris; æquivoca verò respectu canis terrestris v. g. & marini, si secundūm adæquatam significationem sumantur, prout nimirum *animal latrabile*, & *natabile* &c. significat. *II.* Univoca *Univocantia* sunt idem cum *univocatis*, si spectentur materialiter; idem verò non sunt, si sumantur secundūm modum concipiendi. Sic *Homo* v. g. materialiter est idem cum *Petro* & *Paulo*; verùm secundūm modum concipiendi abstrahit, an sit idem cum *Petro* & *Paulo*, nec ne. *III.* Terminus univocus non est necessariò strictè universalis, ut patet in voce *Deus*, quæ tribuitur pluribus personis in eadem significatione, quin sit strictè universalis. Ex quo colligis terminum univocum, & universalem esse terminos

minos magis & minùs communes. IV. Vox univoca, quæ communis dicitur, debet esse invariata quoad syllabas, accentum, quantitatem &c. alias non manet eadem vox. Hinc *Populus* v.g. respectu *arboris*, & *multitudinis* non est vox communis; dum enim arborem significat, primam producit; dum verò multitudinem denotat, primam corripit.

§. II.

Quid sint Äquivoca sive Homonyma, quid Analogia?

357. Dico i. Arist. in Categ. cap. i. æquivoca sic definit: *Äquivoca sunt, quorum nomen solum commune est, ratio verò substantiæ, nomini accommodata diversa.* Explico. Per *nomen commune* intelligitur nomen materialiter acceptum, secundum materialem sonum, quantitatem, genus &c. Si enim formaliter pro significatione accipitur, non erit unum nomen, nec commune, quandoquidem duplicem habet significationem. Per Verba hæc: *Ratio substantiæ nomini accommodata diversa* indicatur, quod ratio per tale nomen significata diversimodè inesse debeat iis, quibus nomen tribuitur. Sic *Gallus* dicitur æquivocum respectu *hominis Galli*, & respectu *Galli avis*; cùm his ratio per nomen, *Gallus*, significata diversimodè insit. Adverte, hic rursus definita fuisse ab Aristotele *Äquivoca æquivocata*, sive ipsas res, quibus nomen commune sub diversa ratione tribuitur; *Äquivocum autem æquivocans*

310 DE ANTE-PRÆDICAMENTIS.

vocans dicitur ipsum nomen , quod pluribus tribuitur sub diversa ratione , per ipsum importatum.

358. Obj. Quæ non sunt univoca , Unicâ definitione definiri non possunt ; sed æquivoca non sunt univoca ; ergo . R. D. maj. Quæ non sunt univoca , nec directè , nec reflexè non possunt definiri unicâ definitione . C. quæ non sunt univoca directè , sunt tamen reflexè . N. Æquivoca autem , si reflexè sumantur , sunt univoca , h. e. hic terminus *Æquivocum* ut sic , respectu omnium æquivocorum in particulari , est reflexè terminus univocus ; quia iis tribuitur in eadem significatione . Si ait . Æquivoca secundùm essentiam sunt plura ; ergo unicâ definitione nequeunt definiri . R. D. ant. Sunt plura , si materialiter spectentur . C. si formaliter . N. sic enim spectata Univocè conveniunt in hoc , quod sint æquivoca . Si reponas : Æquivoca habent nomen multiplex , quia participant nomen , plures habens significationes ; ergo definiri nequeunt . R. N. ant. Quod nec addita ratio sufficienter probat : licet enim significationes sint formæ nominis , propterea tamen ipsum nomen non multiplicant ; cùm concreta non semper multiplicentur multiplicatis formis , ut in sequenti articulo fusiùs tradetur .

359. Dico 2. Αναλογία secundùm ipsam vocem indicat quandam plurium inter se proportionem ; Proportio autem similitudo rationum dicitur . Per τὸ Ratio ad mentem Euclidis

dis intelligitur h̄ic mutua plurium quantitatum ejusdem generis secundūm quantitatēm habi-
tudo. v. g. *Habitudo trium ad sex, dimidii ad duplum.* A quantitate ad substantiam aliásque categorias à Philosophis traduēta est propor-
tio; à quibus *Analogia* communiter sic defini-
untur: *Analogia sunt, quorum nomen commune,*
& ratio substantiae nomini accommodata partim eadem, partim diversa. Quatenus eandem ha-
bent rationem, cum univocis; quatenus verò
habent diversam, cum æquivocis conveniunt.
Terminus qui tribuitur pluribus sub ratione non omnino eādem, nec omnino diversā, sive (ut P. Du Trieu in *Dialect.* fol. 17. inquit) uni propriè, & primariò, alteri verò impropriè, & secundariò, dicitur *Analogus analogans*, ut ho-
mo respectu hominis veri, & pieti: illa au-
tem quibus tribuitur, dicuntur *Analogia analo-
gata.* Analogia dividuntur præterea in analo-
gia *Proportionis*, & *Attributionis.*

Analogia attributionis sunt, quorum nomen commune est, ratio verò per nomen significata in uno est intrinsecè, & formaliter, in aliis verò extrinsecè, & per respectum ad aliud, cui inest formaliter. Hæc dicuntur ab Aristotele *Ana-
loga ab uno*, vel *ad unum*. Allatam definitio-
nem ut plenius intelligas, accipe exemplum:
Τὸ sanum v. g. dicitur de animali, medicinā,
colore, deambulatione &c. igitur hæc dicuntur habere nomen commune, scilicet τὸ sanum;
Ratio autem per hoc nomen significata, nimi-
tūm sanitas, intrinsecè, & formaliter est in

animali, quod propterea primarium analogum dicitur: in reliquis vero extrinsecè tantum est, & per ordinem ad animal. Nam medicina ideo sana appellatur, quod animali efficienter sanitatem restituat; deambulatio, quod eam conservet; color, quod illam indicet. Hinc sanitas omnibus quidem analogatis communis est, diverso tamen modo; ad animal enim pertinet, ut forma ad subjectum; ad medicinam, & deambulationem, ut effectus ad causam; ad colorem, ut res significata ad signum, quæ tres habitudines sunt diversæ. Adverte Sanitas dicitur esse extrinsecè in reliquis, & secundariis analogatis, qualia sunt medicina, color &c. non ideo, quod hæc nullam habeant virtutem intrinsecam aliquid conferendi ad primarium analogatum, quale hic est animal; medicina enim per virtutem sibi intrinsecam sanat; sed ideo, quod sanitas formaliter accepta in animali duntaxat tanquam in subiecto sit intrinsecè.

Analogia proportionis sunt, quorum nomen commune est, ratio vero per nomen significata simpliciter diversa est, eadem tamen secundum proportionem. E. g. Pes respectu mensæ & hominis est analogum proportionis; sicut enim se habet pars infima hominis ad hominem, quem sustentat; sic pars infima mensæ se habet ad mensam, quam sustinet, qui modus, quo de utroque pes affirmatur, propria vocatur. De his duobus Analogis natum est hoc apud Philosophos axioma: *Analogum*

logum pro se sumptum stat semper pro famoſiore analogato. v. g. *Pes pro homine, ſanum pro animali.* His analogis addunt Thomistæ tertium analogorum genus, ſcilicet *anologa inæqualitatis*, quæ ſic definiunt: *Quorum nomen commune eſt, & ratio per nomen significata omnino eadem, inæqualiter tamen participata ab analogatis ob differentias.* Tale eſt v. g. *Animal* respectu hominis, & bruti; homo enim eſt perfectius animal, quam brutum. Verū ejusmodi analoga videntur potius eſſe univoca, quam strictè analoga; quia inæqualitas ex differentiis orta, non significatur per ipsum nomen commune. Adde, quod admissis ejusmodi analogis vix ulla darentur univoca, quandoquidem differentiæ contrahentes genus plerumque quoad perfectionem ſunt inæquales.

360. *Quæres.* An æquivocatio detur in mente? Ex. 1. cum Soto cap. 4. cum Casilio lib. 1 cap. 3. & aliis communiter, quod æquivocatio propriè non detur in mente, ſed in vocibus. *Ratio eſt*, quia ad æquivocationem propriè talem requiritur, ut terminus æquivocans indeterminate significare poſſit vel hoc, vel illud, ita, ut in mente audientis generare valeat conuisionem, & dubium ſenſum; ſed in mente alicujus ſibi ipſi per conceptus loquentis nequit eſſe confuſio, vel dubius ſenſus; quandoquidem conceptus formales indiferentes non ſunt, ad hoc, vel illud, ſub hac, vel illa ratione ſignificandum; ſed necessariò

U 5

in

in objecta sua eodem modo feruntur; ergo. Accedit, quod, licet subinde eodem conceptu diversa objecta inter se non connexa, & eodem nomine prolatæ cognoscantur; intellectus tamen illa, quibus nomen ejusmodi applicat, distinctè cognoscat; ergo hærere ambiguus non potest. Rx. 2. Si quis verò cum Compt. Disp. 39. Log. Sect. 1. n. 6. & cum Arriaga Disp. 10. Log. Sect. 1. tueri velit, ad conceptum æquivocum sufficere, si repræsentet plura, ut plura quomodounque, tunc utique dabitur æquivocatio in mente, siquidem nihil impediat, quominus cognitio hoc modo plura repræsentare valeat; sed hæc locutio juxta Arriagam impropria est.

ARTICULUS II.

De Denominativis & Concretis.

§. I.

*Quid sint Denominativa, sive Paronyma,
& quotuplicia?*

361. **D**ico 1. Denominativa strictè dicta juxta Aristotelem de Anteprædic. cap. 1. sunt, quæ ab aliquo nominis appellationem habent, solo differentia casu. h. e. Denominativa dicuntur illa, quæ ab alio derivata eandem significacionem retinent, & secundùm finalem terminacionem solum differunt. Sic *albus* derivatur ab *albedine*, à *justitia justus*, à quâ sola finali terminacione discrepat. Terminus derivatus dici-